

Wiener Bildungspass

„Bečki obrazovni pasoš“ (Wiener Bildungspass) Vam služi kao dokaz o tome šta ste sve posjetili: od kurseva jezika, preko informativnih manifestacija, savjetovanja, pa do manifestacija u okviru daljnjeg obrazovanja odnosno školovanja uz rad.

„Bečki obrazovni pasoš“ sadrži i Bečke vrijednosne bonove za učenje njemačkog jezika (Wiener Sprachgutscheine) u vrijednosti od EURO 300,-- kojima možete platiti dio troškova kursa kod certificiranih (priznatih) organizatora.

„Bečki obrazovni pasoš“ možete pokazati na svakom mjestu gdje Vas pitaju o znanju njemačkog, radnim kvalifikacijama, obrazovanju i daljnjem profesionalnom usavršavanju.

To konkretno može biti slučaj:

- u institutu koji nudi kurseve njemačkog
- na obrazovnim manifestacijama
- prilikom termina za savjetovanje
- u Zavodu za zapošljavanje (Arbeitsmarktservice)
- kod potencijalnih poslodavaca

Kooperacioni partneri mogu na jednom mjestu vidjeti šta ste sve do sada uradili i koji daljnji koraci imaju smisla u Vašem slučaju.

Zato je vrlo važno da „Bečki obrazovni pasoš“ dobro čuvate i da ga prilikom posjeta navedenim ustanovama uvijek imate pri ruci.

Ako bi vam se dogodilo da ga izgubite, molimo Vas da odete do slijedećeg Ureda za izgubljeno/nađeno (u najbližem Magistratskom uredu) i zatražite izdavanje potvrde (Bestätigung) o gubitku.

Nakon toga trebate nazvati Call-Center pod brojem 01/90 500 36 – 01 (njemački) ili 01/90 500 36 – 02 (bosanski) i zakazati termin kod nekog od Startcoacher-a (savjetnika za nove doseljenike). Tamo ćete pokazati potvrdu i biće vam izdat novi „Obrazovni pasoš“.

Bildungspass-Dokumentenmappe

Prilikom Startcoaching-a uz „Bečki obrazovni pasoš“ dobijate i jednu fasciklu za dokumenta (Bildungspass-Dokumentenmappe) u kojoj možete čuvati dokumente, svjedočanstva, certifikate, potvrde o posjećenim kursovima, informacije različitih savjetovališta itd.

Vaša fascikla sadrži:

- predgovor (Vorwort)
- izjavu o davanju saglasnosti za upotrebu Vaših podataka koju ste potpisali (Einverständniserklärung)
- opis djelatnosti kooperacionih partnera u projektu „Bečki obrazovni pasoš“ (Partneri)
- objašnjenja uz „Bečki obrazovni pasoš“ (Bildungspass), Bečke vrijednosne bonove za učenje njemačkog jezika (Wiener Sprachgutscheine), ponudu informativnih manifestacija (Info-Module)
- prve preporučene termine